



**"REGIONALNA DEPONIJJA MOŠĆANICA" d.o.o. ZENICA**  
Moščanica bb, 72000 Zenica, Bosna i Hercegovina  
Tel: 032 / 44 63 60, Fax: 032 / 44 66 34,  
www.rdm.ba e-mail: [deponija@bih.net.ba](mailto:deponija@bih.net.ba)  
Identifikacioni broj: 4218003170004, PDV broj: 218003170004,  
Registarski broj: U/I-3232/02 (Kantonalni sud Zenica)

Broj: 02-233/22  
Zenica: 14.04.2022. godine

Na osnovu člana 64., stav (1), tačka b) i člana 70., stav (1) i (3) Zakona o javnim nabavkama („Službeni glasnik BiH“, broj 39/14), člana 35. Statuta Privrednog društva „Regionalna deponija Moščanica“ d.o.o. Zenica a na preporuku Komisije za javnu nabavku, imenovane Odlukom direktora, broj: 02-148/22 od 11.03.2022. godine u otvorenom postupku za „nabavku pogonskog goriva za motorna vozila“, direktor Privrednog društva „Regionalna deponija Moščanica“ d.o.o. Zenica (u daljem tekstu: Ugovorni organ) donio je:

**O D L U K U**  
**o izboru najpovoljnijeg ponuđača i dodjeli okvirnog sporazuma za nabavku**  
**“pogonskog goriva za motorna vozila”**

**Član 1.**

**Prihvata se preporuka Komisije za javnu nabavku, broj: 02-203/22 od 06.04.2022. godine i Okvirni sporazum za “nabavku pogonskog goriva za motorna vozila” i to: dizel gorivo (Euro 5 BAS EN 590, 10 ppm) i bezolovni benzin (PREMIUM BMB 95 BAS EN 228), dodjeljuje se ponuđaču “Almy” d.o.o. Zenica na osnovu njegove ponude, broj 66/22 od 01.04.2022. godine za ponuđenu cijenu od 147.048,00 KM bez PDV-a (nakon provedene e-aukcije), kao najbolje ocijenjenom.**

**Član 2.**

Prijedlog Okvirnog sporazuma dostavit će se na potpis izabranom ponuđaču “Almy” d.o.o. Zenica po proteku roka od 15 dana, računajući od dana kada su svi ponuđači obaviješteni o izboru najpovoljnije ponude a nakon što Odluka postane pravosnažna i konačna.

**Član 3.**

Ova odluka objavit će se na web-stranici Ugovornog organa (www.rdm.ba) u skladu sa članom 70. stav 6. Zakona o javnim nabavkama.

**Član 4.**

Ova odluka stupa na snagu danom donošenja i dostaviti će se ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

**Član 5.**

Stupanjem na snagu ove odluke, stavlja se van pravne snage Odluka o izboru najpovoljnijeg ponuđača i dodjeli okvirnog sporazuma za nabavku “pogonskog goriva za motorna vozila”, broj: 02-204/22 od 06.04.2022. godine.

## Obrazloženje

Postupak javne nabavke "pogonskog goriva za motorna vozila i to dizel gorivo (Euro 5 BAS EN 590, 10 ppm) i bezolovni benzin (PREMIUM BMB 95 BAS EN 228)", za potrebe Ugovornog organa pokrenut je Odlukom o pokretanju postupka javne nabavke, broj: 02-147/22 od 11.03.2022. godine.

Procijenjena ukupna vrijednost javne nabavke bez PDV-a je 156.300,00 KM.

Javna nabavka je provedena otvorenim postupkom u skladu sa Zakonom o javnim nabavkama. Kriterij za ocjenu ponuda je "najniža cijena" prihvatljive ponude.

Dana, 11.03.2022. godine na portalu javnih nabavki ([www.ejn.gov.ba](http://www.ejn.gov.ba)) objavljeno je Obavještenje o nabavci, broj: 362-1-1-58-3-6/22, a sažetak Obavještenja o nabavci je objavljen u "Službenom glasniku BiH", broj: 14/22 od 18.03.2022. godine.

Komisija za javnu nabavku imenovana je Odlukom direktora Ugovornog organa, broj: 02-148/22 od 18.03.2022. godine.

Dana, 06.04.2022. godine Komisija za javnu nabavku je dostavila Zapisnik o ocjeni ponuda, broj: 02-203/22 od 06.04.2022. godine u postupku javne nabavke. U Izvještaju (Zapisniku) o radu Komisije je utvrđeno da je Komisija u skladu sa Zakonom o javnim nabavkama blagovremeno i pravilno izvršila otvaranje dostavljenih ponuda i njihovu ocjenu, o čemu je sačinila odgovarajući Zapisnik.

Na osnovu toga, utvrđeno je sljedeće:

- da su ukupno dostavljene tri (3) ponude,
- da su blagovremeno zaprimljene tri (3) ponude,
- da nije bilo neblagovremeno zaprimljenih ponuda,
- da sve dostavljene ponude u postupku nabavke ispunjavaju formalno - pravne uslove u skladu sa Zakonom o javnim nabavkama i odredbama Tenderske dokumentacije za predmetnu nabavku Ugovornog organa.

Nakon izvršenog otvaranja ponuda, Komisija je pristupila analizi dokumentacije priložene u ponude u smislu provjere njihove validnosti obzirom na iskazane zahtjeve Ugovornog organa u Tenderskoj dokumentaciji, odnosno vrednovanju ponuda a u skladu sa procedurama i pravilima utvrđenim Tenderskom dokumentacijom i Zakonom o javnim nabavkama, odnosno pripadajućim podzakonskim aktima.

Nakon pregleda dostavljenih ponuda, Komisija je utvrdila da sve ponude ispunjavaju formalno - pravne uslove postupka nabavke i da mogu biti predmet vrednovanja shodno utvrđenim kriterijima u Obavještenju o nabavci, odnosno Tenderskoj dokumentaciji.

Također, Komisija za javne nabavke je utvrdila da su ponuđači "Hifa Petrol" d.o.o. Sarajevo i "Almy" d.o.o. Zenica u svojim ponudama pored izjave iz člana 45. stav (1) tačke od a) do d) dostavili i dokaze o svojoj kvalificiranosti u skladu sa tačkom 12. Tenderske dokumentacije.

Na osnovu naprijed navedenih činjenica, Komisija je izvršila vrednovanje ponuda shodno utvrđenom kriteriju: "najniža cijena", te je na osnovu tog kriterija sačinjena rang lista ponuđača prije e-aukcije, kako slijedi:

Rang	Naziv ponuđača	Ponuđena cijena (bez PDV-a) u KM
1.	ALMY d.o.o. Zenica	159.170,00
2.	HIFA-PETROL d.o.o. Sarajevo	161.830,00
3.	HOLDINA d.o.o. Sarajevo	171.940,00

Nakon toga, u sistem e-aukcije na portalu javnih nabavki unesene su sve prihvatljive ponude i zakazana je e-aukcija na dan 06.04.2022. godine u 12:45 sati. Nakon provedene e-aukcije, prema "Izveštaju o toku i završetku e-aukcije", rang lista ponuda je sljedeća:

Rang	Naziv ponuđača	Ponuđena cijena (bez PDV-a) u KM	Izvršeno umanj enje od početne cijene u (%)
1.	ALMY d.o.o. Zenica	147.048,00	7,62
2.	HIFA-PETROL d.o.o. Sarajevo	147.207,83	9,04
3.	HOLDINA d.o.o. Sarajevo	171.940,00	0,00

Nakon provedene e-aukcije, a shodno utvrđenoj rang listi ponuđača, Komisija za javnu nabavku je dala preporuku direktoru Ugovornog organa da donese Odluku o izboru najpovoljnijeg ponuđača i dodjeli Okvirnog sporazuma za nabavku pogonskog goriva ponuđaču: "Almy" d.o.o. Zenica, kao prvoplasiranom na rang listi.

Direktor je prihvatio preporuku Komisije za javnu nabavku i donio Odluku, broj: 02-204/22 od 06.04.2022. godine, kojom je Okvirni sporazum za nabavku pogonskog goriva dodijelio ponuđaču "Almy" d.o.o. Zenica.

U Zakonom propisanom roku, drugorangirani ponuđač "Hifa Petrol" d.o.o. Sarajevo je nakon izvršenog uvida u ponude ponuđača, dostavio Žalbu protiv navedene Odluke Ugovornog organa, broj: 02-204/22 od 06.04.2022. godine.

Žalbeni navodi se odnose u potpunosti na ponudu trećerangiranog ponuđača "Holdina" d.o.o. Sarajevo a isti se ogledaju u sljedećem:

1. *"Ponuđač Holdina d.o.o. Sarajevo nije postupio u skladu sa tačkom 13 tenderske dokumentacije dio C. pod b) koja propisuje: b) Ponuđač mora za potrebe dokazivanja cijene svoje ponude dostaviti, Obavještenje o promjeni cijena i marži (OPC-OPM obrazac) za dizel gorivo (euro 5 BAS EN 590, 10 ppm) i bezolovni benzin (PREMIUM, BMB 95 BAS EN), kojim dokazuje ponuđene cijene na benzinskoj pumpi (koju je prijavio u ponudi), a koja se nalazi na području Grada Zenica. Dakle, prema citiranoj tački tenderske dokumentacije obaveza ponuđača je bila da u ponudi dostavi OPC obrazac sa b/p koju je prijavio u ponudi kao dokaz za ponuđene cijene. Međutim, ponuđač Holdina d.o.o. Sarajevo je u svojoj ponudi na strani 31. prijavio b/p na adresi Sarajevska bb, dok je na OPC obrascu na strani 37. i 39. navedena adresa Sarajevska 99. Dakle, proizilazi da ponuđač Holdina d.o.o. Sarajevo nije postupio u skladu sa gore citiranom tačkom tenderske dokumentacije jer nije za prijavljenu b/p dostavio OPC obrazac kao dokaz za ponuđene cijene, a što je bio obavezan.*
2. *Ponuđač Holdina d.o.o. Sarajevo nije dobro upisao jediničnu cijenu bez PDV-a za BMB 95. Naime, na OPC obrascu koji je ponuđač Holdina d.o.o. Sarajevo za BMB 95 dostavio u svojoj ponudi (strana 39) je navedena jedinična cijena 3,06 KM/l, što bez PDV-a iznosi 2,615.*

*Obzirom da je tenderskom dokumentacijom traženo da se svi iznosi zaokružuju na dvije decimale, ponuđači su se trebali pridržavati sljedećeg pravila kod zaokruživanja:*

*Ako je sljedeći decimalni broj manji od 5. decimalni broj koji je prethodio ovom decimalnom broju se ne mijenja, odnosno ako je decimalni broj veći ili jednak 5 decimalni broj koji je prethodio ovom broju se povećava za 1.*

*Dakle, primjenjujući gore navedeno pravilo, obzirom da je decimalni broj koji se izbacuje (treća decimala) jednak 5 proizilazi da je drugu decimalu na koju se cijena zaokružuje trebalo povećati za 1. Tako da bi jedinična cijena bez PDV-a za BMB 95 trebala iznositi 2,62 KM/l. Obzirom, da jedinična cijena nije ispravna, a da se ista ne može ispravljati ponudu je trebalo odbaciti."*

Postupajući po Žalbi, Komisija za javne nabavke Ugovornog organa je provjerila žalbene navode Žalitelja te je ocijenila da su isti osnovani zbog čega treba odbaciti ponudu "Holdina" d.o.o. Sarajevo kao neprihvatljivu.

Naime, uvidom u ponudu "Holdina" d.o.o. Sarajevo Komisija za javnu nabavku je utvrdila da adresa benzinske pumpe koja je navedena na strani 31. ponude Aneks broj 7. Izjava o ispunjenosti uslova iz člana 49. Zakona o javnim nabavkama se razlikuje od adrese benzinske pumpe koja je navedena u OPC-OPM obrascu dostavljenom na strani 37. i 39. ponude.

Ugovorni organ je u tački 13. Tenderske dokumentacije između ostalog propisao sljedeće: *"Što se tiče tehničke i profesionalne sposobnosti u postupku nabavke robe, ponuđači moraju dostaviti sljedeće dokumente (dokaze):*

- a) Ovjerena i potpisana Izjava o ispunjenosti uslova iz člana 49. Zakona o javnim nabavkama (nalazi se u prilogu Tenderskog dokumenta) kojom ponuđač prijavljuje jednu benzinsku pumpu na području Grada Zenica, koja je u njegovom vlasništvu i koju koristi ili ima pravo njenog korištenja po drugom osnovu, sa tačno naznačenom adresom lokacije na kojoj se nalazi ta benzinska pumpa."*

Također, u tački 13. Tenderske dokumentacije Ugovornog organa je propisano: *"U slučaju da se u ponudi ne dostave traženi dokazi navedeni u ovoj tenderskoj dokumentaciji ili se ne dostave na način kako je naprijed traženo, ponuđač će biti isključen iz daljeg učešća zbog neispunjavanja navedenih uslova za kvalifikaciju."*

Iz naprijed navedenog proizilazi da ponuđač "Holdina" d.o.o. Sarajevo nije postupio po tački 13. Tenderske dokumentacije.

Pored toga, Komisija za javnu nabavku je utvrdila da ponuđač "Holdina" d.o.o. Sarajevo nije prikazao tačnu jediničnu cijenu iz OPC obrasca na njegovoj benzinskoj pumpi tj. prilikom zaokruživanja iznosa na dvije decimale. Naime, u OPC obrascu je navedena cijena sa PDV-om u iznosu od 3,06 KM/l za benzin BMB 95, što odgovara iznosu od 2,62 KM/l bez PDV-a umjesto 2,61 KM/l kako je to navedeno u Obrascu za cijenu ponude ponuđača "Holdina" d.o.o. Sarajevo.

Ugovorni organ je propisao u tački 37. Tenderske dokumentacije "provjera računске ispravnosti ponude" sljedeće: *"Jedinična cijena stavke i ponudeni popust izražen u postotcima ne smatraju se greškom, odnosno ne mogu se ispravljati jer su oni osnov za obračun cijene ponude."*

Također, u članu 17. tačka 5. Uputstva za pripremu modela tenderske dokumentacije i ponuda je propisano sljedeće: "U zahtjevu za prihvatanje ispravke računске greške u smislu st. (2) i (3) ovoga člana koji ugovorni organ obvezno mora tražiti, označava se koji dio ponude je ispravljen kao i nova cijena ponude proizašla nakon ispravke. Jedinična cijena stavke se ne smatra računskom greškom, odnosno ne može se ispravljati."

U skladu sa navedenim, Komisija Ugovornog organa je ocijenila da ponuđač "Holdina" d.o.o. Sarajevo nije postupio po tački 37. Tenderske dokumentacije niti u skladu sa članom 17. Uputstva za pripremu modela tenderske dokumentacije i ponuda.

Zbog naprijed navedenih razloga, Komisija za javnu nabavku je ocijenila da ponuda "Holdina" d.o.o. Sarajevo ne ispunjava uslove propisane Tenderskom dokumentacijom. Prihvatajući preporuku Komisije, Ugovorni organ je odbacio ponudu "Holdina" d.o.o. Sarajevo kao nepihvatljivu.

Nakon odbacivanja ponude "Holdina" d.o.o. Sarajevo, konačna rang lista ponuđača je sljedeća:

Rang	Naziv ponuđača	Ponuđena cijena (bez PDV-a) u KM	Izvršeno umanj enje od početne cijene u (%)
1.	ALMY d.o.o. Zenica	147.048,00	7,62
2.	HIFA-PETROL d.o.o. Sarajevo	147.207,83	9,04
	HOLDINA d.o.o. Sarajevo	Diskvalifikovan	

Uzimajući u obzir naprijed navedeno, primjenom člana 64. stav (1), tačka b) Zakona o javnim nabavkama, odlučeno je kao u članu 1. ove odluke.

#### **Pouka o pravnom lijeku**

Protiv ove odluke može se izjaviti žalba Ugovornom organu, najkasnije u roku od deset (10) dana od dana prijema Odluke.



Direktor

  
Šabani Adnan, Bsc.ecc.

Dostaviti:  
1x Ponuđaču Almy d.o.o. Zenica  
1x Ponuđaču Hifa Petrol d.o.o. Sarajevo  
1x Ponuđaču Holdina d.o.o. Sarajevo  
1x a/a